

Հ Ա Շ Վ Ե Տ Վ ՈՒ Թ Յ ՈՒ Ն

ՀՀ Արմավիրի մարզի Գայ գյուղական համայնքի ղեկավարի 2011 թ.-ի 1-ի կիսամյակի ընթացքում կատարած աշխատանքների վերաբերյալ

Հարգելի համագյուղացիներ, համայնքի ավագանու հարգարժան անդամներ, հյուրեր: Այսօր ցանկանում եմ ձեր ուշադրությանը և քննարկմանը ներկայացնել հաշվետվություն՝ համայնքի ղեկավարի և ավագանու կողմից 2011 թվականի առաջին կիսամյակում կատարած աշխատանքների վերաբերյալ:

1. Քաղաքացիների իրավունքների պաշտպանության բնագավառում.

Կատարվել է համայնքի տնտեսությունների գրքերի ուղղում և համայնքի բնակիչների հաշվառում: Բնակչության ընդհանուր թիվը կազմում է 3689 մարդ, որից 387 եզդիներ:

Հաշվետու կիսամյակում համայնքում գրանցվել է 20 ծնունդ և 21 մահ:

Գումարվել է ավագանու 5 նիստ, իրականացվել է քաղաքացիների ընդունելություն, քննության է առնվել 43 դիմում, որոնց տրվել է համապատասխան ընթացք:

Մուտք է արվել 83 գրություն, որոնք քննարկվել են, տրվել է ընթացք և պատասխանը ուղարկվել հասցեատերերին:

Համայնքի հիմնախնդիրների լուծման համար տարբեր ուժային կառույցներից գրվել է 110 գրություն:

2. Ֆինանսների բնագավառում.

Կազմվել և ավագանու հաստատմանն է ներկայացվել համայնքի բյուջեի նախագիծը, ավագանու որոշումներով բյուջեում կատարվել են փոփոխություններ:

Կազմակերպվում և գանձվում են գույքահարկը և հողի հարկը:

Հողի հարկը՝ 9800.0 հազար դրամի տարեկան ծրագրի դիմաց գանձվել է մոտ 2280.5 հազար դրամ, կամ կատարվել է 23.27%:

Գույքահարկը՝ 8700.0 հազար դրամի տարեկան ծրագրի դիմաց գանձվել է 1638.1 հազար դրամ, կամ կատարվել է 18.83%:

3. Հասարակական կարգի պահպանության բնագավառում.

Ոստիկանության տեղամասային տեսուչի աջակցությամբ աշխատանքներ են տարվում և համայնքում իրավախախտման դեպքեր չկան:

4. Պաշտպանության բնագավառում.

Աջակցություն է ցուցաբերվել զինակոչին, պարտադիր զինվորական ծառայությունից վերադարձածները պահանջվող կարգի համաձայն վերցվել են հաշվառման:

Աջակցել ենք զինվորական հաշվառումից և զորակոչից խուսափողների որոնման, հայտնաբերման աշխատանքներին:

Դրամական սոց. օգնություն է ցուցաբերվել Հայրենական Մեծ պատերազմի վետերաններին, Արցախյան ազատամարտում զոհվածների ընտանիքներին և վիրավոր ազատամարտիկներին:

Հաղթանակի օրվա կապակցությամբ կազմակերպվել է միջոցառում, կատարվել է ավտոդպրոցում սովորող զինակոչիկների ճանապարհածախսի փոխհատուցում:

5. Քաղաքաշինության և կոմունալ տնտեսության բնագավառում

Կառուցապատողներին սահմանված կարգով տրվել է շինարարության թույլտվություն, արգելվել է ապօրինի շինարարությունը: Կատարվում են փողոցների բարելավման աշխատանքներ, վերանորոգվում է Գայի միջհամայնքային ուղիների մի մասը:

6. Հող օգտագործման բնագավառում.

Հողային հաշվեկշիռը կազմելու համար կատարվել է հողերի ընթացիկ հաշվառում և ներկայացվել կադաստրի տարածքային ստորաբաժանում:

Իրականացվել են համայնքի վարչական սահմաններում գտնվող հողամասերի աճուրդ վաճառք և վարձակալության տրամադրում:

Կատարվել է ցանքի ընթացիկ հաշվառում և ներկայացվել է տարածքային վիճակագրական վարչություն:

Համայնքում ապօրինի հողօգտագործողներ չկան: Տարվում են աշխատանքներ հողերի կատեգորիաների ճշտման ուղղությամբ:

7. Տրանսպորտի բնագավառում

Վերանորոգվել են Գայ-Երևան մայրուղու երկու վթարային կանուրջները: Կատարվում են փողոցների քանդված հատվածների փոսալցումներ: Անմխիթար վիճակում է Գայ համայնքը էջմիածին քաղաքի և մարզկենտրոնին կապող ճանապարհի 427 մ հատվածը:

Գայի գյուղապետարանը մասնակցում է հարավ կովկասյան երկաթուղու էջմիածին-Մասիս վագուրդի 28.56 կմ-ի 8 Պ. Կ հատվածում գծանց կառուցելու աշխատանքներին:

8. Առևտրի և սպասարկման բնագավառում.

Համայնքում գործում են 7 խառն ապրանքների վաճառքի խանութներ, 1 սուպերմարկետ, 2 դեղատուն:

Հաճախակի ստուգումներ է անցկացվում առևտրի օբյեկտներում և խախտման դեպքեր չեն արձանագրվել:

9. Կրթության և մշակույթի բնագավառում.

Համայնքը ունի բարեկարգ դպրոց, որտեղ ընդգրկված են 514 աշակերտներ և 45 աշխատողներ: Գյուղապետարանը դպրոցում անցկացվող միջոցառումներին իր մասնակցությունն ու աջակցությունն է ցուցաբերում: Գյուղապետարանի աջակցությամբ սեպտեմբեր ամսին դպրոցում կգործի նախակրթարան՝ երկու դասարանով:

Գյուղն ունի նախադպրոցական տարիքի 266 երեխաներ, սակայն չունի մանկապարտեզ, որը խիստ անհրաժեշտություն է:

Մշակույթի տունը վթարային վիճակում է, այն հիմնավերանորոգման կարիք ունի, որը կնպաստի ազգաբնակչության հանգստի կազմակերպմանը:

Եվ մանկապարտեզի շենքի կառուցումը, և մշակույթի տան վերանորոգումը հնարավոր չէ իրականացնել համայնքի բյուջեի հաշվին:

Համայնքում գործում է «Արվեստի դպրոց» ՀՈԱԿ-ը, որը ևս ունի վերանորոգման կարիք:

Համայնքի գրադարանից օգտվում են համայնքի շուրջ 320 ընթերցող:

Համայնքը աջակցություն է ցուցաբերում նաև համայնքում գործող Սուրբ Նշան եկեղեցուն:

10. Առողջապահության և ֆիզիկական կուլտուրայի բնագավառում

Համայնքում գործում է «Առողջության կենտրոն» ՍՊԸ-ն, որին ցուցաբերվում է աջակցություն՝ ուղղված համայնքի սանիտարական վիճակի բարելավմանը, համաճարակային հիվանդությունների կանխարգելմանը:

Համայնքում գործում է ֆուտբոլային խմբակ, որի մարզիչը վարձատրվում է համայնքի բյուջեից:

11. Աշխատանքի և սոցիալական ծառայության բնագավառում.

Համայնքում կան 386 տարիքային թոշակառուներ և 32 նպաստառու ընտանիք:

Համայնքի սոցիալապես անապահով ընտանիքներին գյուղապետարանի բյուջեից ցուցաբերվում է դրամական օգնություն:

12. Գյուղատնտեսության բնագավառում.

Կատարվել է անասունների հաշվառում և ներկայացվել վիճակագրական վարչություն:

Գյուղացին հիմնականում զբաղվում է տնամերձ հողամասերի վրա կառուցված ջերմոցներում բանջարեղենի մշակությամբ:

Համայնքի առջև ծառացած լուրջ հիմնախնդիր է այն, որ գյուղացին իր սեփականաշնորհված հողը չի մշակում, հունիսի 1-ի դրությամբ չի մշակվում շուրջ 470 հա հողատարածք, որն ունի տարբեր պատճառներ՝ առաջինը որ շահույթ չի ապահովվում, երկրորդ՝ չկա սպառման շուկա, երրորդ՝ առկա է ոռոգման ջրի խնդիրը, չորրորդ՝ թանկ են մեքենայացված աշխատանքները, սերմերը և թունաքիմիկատները:

Հարկ կա վերականգնելու և ճշտելու հողերի կարգերը:

Համայնքում առկա հիմնախնդիրները՝

1. Մշակույթի տան վերանորոգումը
2. մանկապարտեզի շենքի կառուցում
3. հողերի կարգերի ճշտում
4. Գայ համայնքը էջմիածին քաղաքին և մարզկենտրոնին կապող ճանապարհի 487 մ-ի ասֆալտապատում:

Համայնքում առկա այս հիմնախնդիրները հնարավոր չէ իրականացնել միայն գյուղապետարանի բյուջեի հաշվին:

Հուսով եմք, որ ՀՀ կառավարությունը և Արմավիրի մարզպետարանը կաջակցեն մեզ այս հարցում:

Գայի գյուղական համայնքի ղեկավար՝



Ս.Մարկոսյան